

ՎԵՐՋԻՆ ԶԱՆԳ - 2017

«Վրաստան» թերթը եւս մեկ անգամ շնորհավորում է հասուն կյանքի շենքը հատող երկրի հանրային դպրոցների շրջանավարտներին, մաղթում նվաճումներ՝ ի փառս հայրենիքի, ցանկանում, որ ձեզանից յուրաքանչյուրն իր կարողություն-ունակություններով պետության արժանի ու օրինավոր քաղաքացի դառնա, շենացնի իր երկիրը, եւ սկսի դա հենց այն ծագ-անկյունից, ուր ծնվել եւ, որից սնունդ է առել:

րաքաղաքի, ինչպես եւ երկրի տարածաշրջանների հայկական դպրոցներում հնչած «Վերջին զանգի» հանդիսավոր արարողություններին ու տեղի աշակերտության նվաճումներին: Այսօր, ընթերցողի ուշադրությանն ենք ներկայացնում Ծալկայի, Մառնեուլիի, Բուլնիսիի, Ասպինձայի հայկական դպրոցներում «Վերջին զանգ» ազդարարող միջոցառումների լուսաբանումն ու ներկա պահին շրջանավարտ-նորեկների վիճակագրությունը:

ՇԱՀՈՒՄՅԱՆԻ ԹԻՎ 1 ՀԱՆՐԱՅԻՆ ԳՊՐՈՑ՝ 11 ՆՐԱՆԱՎԱՐՏ ԵՎ 25 ԱՌԱՋԻՆ ԴԱՍԱՐԱՆՅԻ

Մայիսյան գարնանային այդ պայծառ օրը տոնական տրամադրությամբ էր համակված Մառնեուլիի մունիցիպալիտետի Շահումյան ավանի թիվ 1 հայկական հանրային դպրոցը: Բոլորը հավաքվել էին դպրոցի բակում՝ մասնակցելու արդեն ավանդույթ դարձած «Վերջին զանգ» ավարտական հանդեսին: Այստեղ էին նաեւ դպրոցի աշակերտները, մանկավարժները, բազմաթիվ ծնողներ եւ հյուրեր: Իսկ տասներկու շրջանավարտներ՝ դասուղեկ Մարգարիտա Նարինյանի գլխավորությամբ, խորին հուզմունքով ու սրտի թրթռով, հուզումնալից ասուներով, երգով ու պարով, իրենց հոգու եւ սրտի խոսքն ասացին սիրելի ունեցիչներին ու հարազատ դպրոցին: Այնուհետեւ, շնորհա-



վորանքի խոսքով շրջանավարտներին է դիմում դպրոցի տնօրեն Արտուշ Ուռույնյանը՝ նրանց ցանկա-

նալով բոլոր նվիրական երազանքների իրականացում: Այս տարվա շրջանավարտները դպրոցի պատմության մեջ 79-րդն են: Շրջանավարտներից յոթը գրանցվել են մասնակցելու միասնական քննություններին եւ համալրելու Թբիլիսիի տարբեր բուհերում սովորող շահումյանցի ուսանողների շարքերը: Բարի՛ երթ ձեզ, սիրելի շրջանավարտներ, հանգիստ քայլեր կյանքի ճափաներով, քանի որ ձեզ փոխարինելու են մեր դպրոցի 25 առաջին դասարանցիներ:

ՆԵՒԼԻ ԶՈՐԱՆՅԱՆ
Դպրոցի հայոց լեզվի եւ գրականության ուսուցչուհի

ՕՐ, ՈՐՆ ԻՐ ՈՐՉ ՀՍԱՅՔՈՎ ԱՌԱՎԵՏ ԱՊՐԵՆՈՒ Ե ՀԻՇՈՂՈՒԹՅԱՆ ՄԵՉ

Ես դեռ աշակերտ եմ, ծնողներս՝ մանկավարժ: Ահա արդեն տասնմեկ տարի ակնատեսն եմ դառնում նրա, թե ինչպես յուրաքանչյուր տարի սրտի նույն տրոփյունով, հույս ու հավատով մանկավարժ ծնողներն հրաժեշտ են տալիս իրենց հեթոթական շրջանավարտներին: Ու հավատացե՛ք, նույն բերկրանքն են ապրում, ինչ ծնողը կարող է վերապրել սեփական զավակին կյանքի նոր ու առավել լուրջ, դժվար փուլ ճանապարհելիս...

8, Խաչգյուղի՝ 7, Դուլչիի՝ 7, Զիվքբիլիսայի՝ 5, Դարագյուղի՝ 5, Բուռնաշեթի՝ 4: Ուրախությամբ պետք է հայտնենք, որ այս տարի Ծալկայի հայ շրջանավարտներից 3-ը ոսկե (Նարդեան, Դարագյուղ եւ Զիվքբիլիսա) եւ 5-ը արծաթե (Զիվքբիլիսա, Դարագյուղ եւ Դզլքիլիսա) մեդալների հավակնորդ են: Ուղջունելի է նաեւ՝ մունիցիպալիտետում վերջին հինգ-վեց տարիներին գրանցվող այն փաստը, որ շրջանավարտների գերակշիռ մասն իր բարձրագույն ուսումը ցանկանում է շարունակել Վրաստանի բուհերում: Վրացական բուհ ընդունվելու ցանկությանը մեծապես նպաստում են օգնում է արդեն մի քանի տարի գործող «1+4» ծրագիրը, որի շրջանակներում ոչ վրացական դպրոցի շրջանավարտը եւ ապա, վրացական բուհն ավարտած ուսուցիչը, իրավաբանը, բժիշկն ու գյուղատնտեսը առավել մեծ հավանականությամբ են վերադառնում հայրենի գյուղ եւ հենց իրենց ծննդավայրում դրսեւորում ու կատարելագործում մասնագիտական իրենց ունակությունները:



Բարի երթ մաղթելով բարձրադիր Ծալկայի մեր բոլոր շրջանավարտներին, հավելեմ, որ արդեն 2017/2018 ուսումնական տարում մունիցիպալիտետի հայկական դպրոցներում միջնակարգ իրենց ուսումը կսկսեն 80 առաջին դասարանցիներ: Թեեւ հույսն ու ցանկությունը մեծ են, որ հետագա տարիներին այս թիվն էլ առավել կաճի ու կկրկնապատկվի:

ԱՆԱՅԻՏ ԶԱՆԵՍՅԱՆ
Ծալկայի մունիցիպալիտետի Օզնի գյուղի 11-րդ դասարանի աշակերտուհի

ՆՐԱՆՔ ԿԱՐԳԱՐԱՆՆԵՆ ՈՒՍՈՒՅԻՉՆԵՐԻ ՈՒ ՏՆՈՂՆԵՐԻ ՄՊԱՍԵԼԻՔՆԵՐԸ

Հիշո՞ւնք, երեսանցի հայտնի երգիչ մեր սիրելի Թաթայի երգը՝ «Փուչիկներ, ծաղիկներ, արցունքներ, տոնական համերգ ու սեղան...»: Կարծես թե այդ երգը հատուկ «Վերջի զանգին» է նվիրված: Մեր գյուղում ամեն ինչ անցավ ըստ ավանդույթի եւ մեզանում ու ամենուր ձեւավորված մշակույթի շրջանակներում: Մառնեուլիի շրջանի Միրզոբեկյան գյուղի մեր դպրոցն էլ զարդարված էր մայիսյան բուրավետ վարդերով: Բենահարթակի վերածված դպրոցի բակում թախծախառն ուրախությամբ իրենց երախտիքի խոսքն էին ասում ուսումնառած եւ հասունության շեմին կանգնած թվով հինգ պատանի ու աղջիկ: Այդ օրը խորհրդանշական էր նրանց համար. երեկ աշակերտ էին, վաղը արդեն ընդունելության քննությունների պատրաստվող ապագա ուսանողներ, մինչդեռ այսօր՝ շիրտված ու հուզված, իրարամերժ զգացումներով լի՝ երեխաներ:

թյուններից ամենաբարձր բալեր ստացող աշակերտներից մեկն էր: Շրջանավարտների կողմից դպրոցի հայկական բաժնի ղեկավար Վանիկ Դարոսյանին ուղղված անկեղծ հարցին, թե «ախր, առանց մեզ ի՞նչ եք անելու», հնչեց հետեւյալ պատասխանը. «Ձեզ՝ բարի՛ երթ, սիրելի շրջանավարտներ, թող այն լույսի ջահը, որ գիտելիք է կոչվում, լուսավորի ձեր կյանքի ուղին: Իսկ ես, մանկավարժները խոստանում ենք, շարունակելու ենք կանգուն պահել հայկական կրթօջախը, եւ անսպառ եռանդով կրթել նոր սերունդներին»: Ինչ վերաբերում է մեր մունիցիպալիտետի մյուս կրթօջախների շրջանավարտների եւ ապագա առաջին դասարանցիների թվին, ապա պատկերն այսպիսին է. Կարմիր գյուղի հանրային դպրոցն ունի 6 շրջանավարտ եւ 12 առաջին դասարանցի, Դամիայի դպրոցը՝ 5 շրջանավարտ եւ 5 առաջին դասարանցի, Արքայիկի



դպրոցը՝ 5 շրջանավարտ եւ 14 առաջին դասարանցի, Խոժոռնիի դպրոցը՝ 6 շրջանավարտ եւ 1 առաջին դասարանցի: Զանախչիի եւ Գյուլիբաղի դպրոցները այս տարի շրջանավարտներ չունեն, իսկ առաջին դասարանցիները 1 եւ 5-ն են: ՆՈՆԱ ԶՈՐՈՍՅԱՆ
Մառնեուլիի մունիցիպալիտետի Ծերեթելիի հանրային դպրոցի Միրզոբեկյանի հայկական բաժնի մաթեմատիկայի ուսուցչուհի

ԱՄԵՆ ԱՎԱՐՏ ՄԻ ՆՈՐ ՍԿԻԶԲ Է...

Դամալայի հանրային դպրոցի բակում տոն էր՝ «Վերջին զանգի» ավանդական հանդիսությունը, որ կրկնվում է յուրաքանչյուր տարի, սակայն միշտ ինքնատիպ, յուրովի ու հիշարժան: Դպրոցական ուսումնառության ավարտը խորհրդանշող «Վերջին զանգ» ուներ հրաշալի խորհուրդ՝ այն առաջնորդում էր դեպի նոր ու մեծ կյանք, դեպի ինքնադրսեւորման եւ ինքնահաստատման լայն ասպարեզներ: Շրջանավարտները հրաժեշտ էին տալիս կյանքի առաջին՝ մանկական ու պատանեկան փուլին, հարազատ դարձած դպրոցին ու ուսուցիչներին... Յուրաքանչյուրը նոր կյանք է մտնում որպես երազանքներով լի անհատ: Այդ օրը ծիծաղն ու արցունքը միախառնվել էին իրար: Հնչում էին երգեր, պարեր, երգ ու պարին միախառնվել էին բարեմաղթանքները, բարեմաղթում էին նաեւ առաջին դասարանցիները: Շրջանավարտներին «Վերջին զանգի» կապակցությամբ շնորհավորելիս բարեմաղթանքի խոսքեր հղեցին մունիցիպալիտետի Կրթական ռեսուրս-կենտրոնի վարիչ Տրիստան Մուրադաշվիլին, 12-րդ դասարանի դասուղեկ Անաստաս Գրիգորյանը: Դպրոցի տնօրեն Նելլի Դուրուկչյանը, շնորհավորելով 23 շրջանավարտի՝ մեծ կյանք ոտք դնելու կապակցությամբ, բարեմաղթեց նրանց կյանքի կանաչ ճանապարհի եւ երազանքների իրականացում: Առանձնահատուկ ուրախությամբ եւ հպարտությամբ բարձրաձայնվեց այն մասին, որ դպրոցի այս տարվա շրջանավարտներ Կարեն Քերոբյանը, Մարինե Սաղաթեյանը արժանացել են ոսկե մեդալի, իսկ Սյուզաննա Փոթաբեկյանը, Վահագն Սաղաթեյանը, Վալյա Պետրոսյանը՝ արծաթե մեդալի: Հավաքվածներն այդ օրը շնորհավորեցին այն 19 փոքրիկ առաջին դասարանցիներին, ովքեր առաջին անգամ են ոտք դնելու դպրոցի շեն՝ նրանց մաղթելով առողջություն, խաղաղ եւ արդյունավետ ուսումնական տարի: Իսկ երկու օր առաջ, Դամալայի հանրային դպրոցում, տոնական զարդարված հանդիսությունների դահլիճում, առաջին դասարանի դասավար Ծովինար Ֆարմանյանի եռանդուն աշխատանքի շնորհիվ՝ տեղի ունեցավ «Հրաժեշտ Այրբենարանին» միջոցառումը: ՆԻՆԱ ՍԻՐԱԿԱՆՅԱՆ
Հայոց լեզվի եւ գրականության ուսուցչուհի Գ.Դամալա, Ասպինձայի մունիցիպալիտետ



ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋՈՒԹՅՈՒՆ

ՀԱՅՏՆԱԲԵՐՎԵԼ ԵՆ ՀՈՒՆՅԱՆ ՕԳՏԱԿԱՐ ՀԱՏՎՈՒԹՅՈՒՆՆԵՐԸ

Շոկոլադո կարելի է համարել արդյոք դիետիկ սնունդ: Եվ ընդհանրապես, որո՞նք են շոկոլադի օգտակար հատկությունները:



Ս.Վարդապետյան Լիանոսմիդա

Դանիացի, ամերիկացի եւ կանադացի մի խումբ գիտնականներ հայտնաբերել են, որ շոկոլադի չափավոր գործածումը նվազեցնում է սրտի այնպիսի լուրջ հիվանդության վտանգը, ինչպիսին է թրոմբոզոցը անոթախառնումը: Հետազոտության արդյունքները հրատարակված են «Heart» գիտական հանդեսում:

Բժիշկները հիմնվել են այն հարցման տվյալների վրա, որը մի քանի տարի առաջ կատարվել է դիետիկ սննդի վերաբերյալ: Դրան մասնակցել է ավելի քան 55 հազար դանիացի: Հարցման մասնակիցներին, մասնավորապես, խնդրել են պատասխանել, թե նրանք որքա՞ն շոկոլադ են կանոնավորապես գործածում:

Այնուհետև, գիտնականները տվյալները զուգորդել են գիտափորձին մասնակցողների հիվանդության պատմությունների հետ: Պարզվել է, որ, այլ բաներով հանդերձ, ինչպես կաթնային, այնպես էլ մուգ շոկոլադի չափավոր գործածումը նվազեցնում է թրոմբոզոցը անոթախառնումը և հավանականությունը, որով միլիոնավոր մարդիկ են տառապում ամբողջ աշխարհում:

Այսպես, այն կանանց մոտ, ովքեր կանոնավոր կերպով 30 գրամ շոկոլադ են ուտում շաբաթական մեկ անգամ, հիվանդանալու վտանգը կրճատվում է 21 տոկոսով, մինչդեռ այն տղամարդկանց մոտ, ովքեր շաբաթական երկու-երեք անգամ չափաբաժին են ուտում 23 տոկոսով, պարզվել են հետազոտողները:

ՀԵՏԱՔՐՔԻՐ Է

ՎՏԱՆԳՎՈՐ ՆՈՐԱԶԵՎԵՐԸ

Նորածնության հետքից կանանց վազը մեջքի խնդիրներ է առաջացնում: Այսպիսի եզրակացության են հանգել իրոպական կոլեկտիվի բրիտանական ասոցիացիայի մասնագետները, փոխանցում է The Independent-ը: Հետազոտության արդյունքներով պարզվել է, որ հարցման ենթարկված կանանց երրորդ մասը մեջքի խնդիրներ է ունեցել որոշակի հագուստի կամ կոշիկի պատճառով: Ըստ որում, կանանց 28 տոկոսը տեղյակ է, որ հագուստն ազդում է իր առողջության վրա, բայց, միևնույն է, այն հազում է:



Նեղ ջիներ: Դրանք սահմանափակում են ոտքերի շարժունությունը՝ ստիպելով լարել մեջքի մկանները:

Բարձր կրունկներ: Դրանց պատճառով քայլն ավելի կարճ է դառնում, որի հետևանքով մեծանում է գոտկատեղի հատվածի վրա ծանրաբեռնվածությունը: Վատթարանում է կոնքի հատվածին արյան մատակարարումը, եւ կարող են առաջանալ զինկոլոգիայի հետ կապված խնդիրներ:

Բաց կրունկով կոշիկ (նաեւ՝ լայնացած կամ մեծ համարի կոշիկ): Կոշիկը պետք է կիպ նստի ոտքին՝ առավելագույնս նվազեցնելով նրա շարժունությունը: Երբ ոտքը շուռնուռն է գալիս, դա կարող է կուզիկության, սրունքի ձեւախեղման պատճառ դառնալ եւ նպաստել հարթաթաթության առաջացմանը:

Ծանր օձիքով վերարկու եւ եղջերվամուշտակ: Դրանք կաշկանդում են շարժումները՝ մեջքի վրա ոչ պիտանի բեռնվածություն ստեղծելով:

Ուսի վրայով անցկացված պայուսակ: Նույնը վերաբերում է նաեւ պայուսակներին, որոնք կանայք կրում են ուսին: Եթե ձեզ նման արեստուարը դուր է գալիս, ապա ջանացեք, որ այն առավելագույնս թեթև լինի:

Կատարված հետազոտության համաձայն, կանանց 73 տոկոսը տառապում է մեջքի ցավերով: Ըստ որում՝ 28 տոկոսը գիտի, որ հագուստով ու կեցվածքով է պայմանավորված մեջքի, պարանոցի ցավը: Մոտ 33 տոկոսը տեղյակ է այս փոխկապի մասին:

Հաստատվել է նաեւ, որ, կանանց մոտ 20 տոկոսը, ոտքի հետևի մասը չափազանց, առանց կրկանմասի կոշիկ է հագնում: 10 տոկոսն ընտրում է ծանր զարդեր (օրինակ՝ ծանր մանյակներ):

ՀՈՒՆՅԱՆ 1-Ը՝ ԵՐԵՒԱՆԵՐԻ ՊԱՇՏՊԱՆՈՒԹՅԱՆ ՄԻԶԱԶԳԱՅԻՆ ՕՐ

ԳՈՒՆԱՎՈՐԵՆՔ ԵՐԵՒԱՆԵՐԻ ՄԱՆԿՈՒԹՅՈՒՆԸ

Հունիսի 1-ը նշանավորվում է ոչ միայն իբրև ամռան առաջին օր, այլև՝ երիտանդանի պաշտպանության միջազգային օր: Այս տոնը ամենահին միջազգային տոներից մեկն է:

Երեխաների պաշտպանության միջազգային օրը սահմանվել է դեռևս 1925 թվականին՝ ժնեւում երեխաների պաշտպանության համար հրավիրված համաշխարհային կոնֆերանսի ընթացքում:

Երեխաների իրավունքների պաշտպանությանը վերաբերող բազմաթիվ միջազգային փաստաթղթեր են ստորագրվել, որոնց թվում են 1959թ. ՄԱԿ-ի Գլխավոր ասամբլեայի կողմից ընդունված երեխայի իրավունքների հռչակագիրն ու 1989թ. երեխաների իրավունքների մասին կոնվենցիան, որով, ըստ էության, երեխաները համարվեցին հատուկ խոցելի խումբ:

1949թ. Կանանց ժողովրդավարական միջազգային դաշինքը երեխաների պաշտպանության օր անցկացնելու որոշում է ընդունել: ՄԱԿ-ը, հավանություն տալով այս նախաձեռնությանը՝ երեխաների կյանքի եւ առողջության

պաշտպանության հարցը հայտարարեց իր գործունեության գերակա ուղղություններից մեկը: Առաջին անգամ հունիսի մեկը նշվել է որպես երեխաների



պաշտպանության միջազգային օր 1950-ին. ինչո՞ւ հենց հունիսի մեկը՝ հայտնի է:

Վրաստանն ու Հայաստանը երեխաների մասին կոնվենցիան վավերացրել են 1992 թ.-ին, որից հետո ընդունել «Երեխայի իրավունքների մասին» օրենքը:

Հունիսի 1-ը նշում են գրեթե բոլոր հետխորհրդային երկրները, վերջին տարիների այս տո-

նին նաեւ միացել են մի շարք եվրոպական երկրներ եւ ԱՄՆ մի շարք նահանգներ:

Այս օրվանից բացի, փոքրիկներին է նաեւ նվիրված երեխաների համաշխարհային տոնը, որը նշվում է նոյեմբերի 20-ին:

Ամռան առաջին ամսին՝ իսկ ավելի ստույգ հունիսի 12-ին, նշվում է եւս մեկ այլ շատ կարեւոր օր՝ կապված երեխաների ծանր աշխատանքի դեմ պայքարի համաշխարհային օրվա հետ: Այսօր աշխարհում քիչ չեն դեպքերը, երբ երեխաները ենթարկվում են շահագործման, որը արտահայտվում է շատ տարբեր ձևերով՝ տա-

նալ աշխատանքի միջոցով, փողոցում մուրացկանությամբ զբաղվելու հարկադրությամբ... Ուստի, փորձենք երեխաների համար այս օրը տոն դարձնել, գունավորել նրանց մանկությունը, լցնել քաղաքը ուրախ ծիչերով ու ծիծաղով: 21° որ, այսօրը եւ բոլորիս ապագան երեխաներին են պատկանում:

ՏԱԳՆԱՊԱՆԻ ՎԻՃԱԿԱԳՐՈՒԹՅՈՒՆ

ՏԱՐԵՎԱՆ 200 ՀԱԶԱՐ ՄԱՐԴ՝ ԹՄՐԱՄՈՒԹՅԱՆ ԶՈՐ

Աշխարհում շուրջ 250 միլիոն մարդ թմրանյութեր է գործածում՝ թեկուզ տարեկան մեկ անգամ, նրանց թվում՝ 30 միլիոնը մշտական թմրամոլներ են: Այս մասին հայտնել է ՄԱԿ-ի Թմրանյութերի եւ հանցավորության հարցերով զբաղվող վարչության գործադիր տնօրեն Յուրի Ֆեդոտովը:

«Այսօրվա դրությամբ, աշխարհում 250 միլիոն մարդ թմրանյութեր է գործածում, ներառյալ՝ նրանք, ովքեր դա անում են փորձի ձևով՝ տարեկան մեկ անգամ: Այդ մարդկանցից 30 միլիոնը մտնում է խնդրահարույց կատեգորիայի մեջ, խոսքը նրանց մասին է, ովքեր տառապում են թմրակախվածությունից եւ ուղեկցող հիվանդություններից», - մայիսի 18-ին նշել է նա՝ Սանկտ Պետերբուրգի միջազգային իրավաբանական համաժողովի շրջանակներում կայացած դասախոսության ժամանակ:



Ամեն տարի աշխարհում մինչեւ 200 հազար մարդ է մեռնում թմրանյութերից: 11,5 միլիոն մարդ թմրանյութեր գործածում է ներարկման եղանակով: Նրանց 52 տոկոսը վարակված է «C» հեպատիտով, 14 տոկոսը՝ ՄԻԱՎ-ով:

«Այս թվերի հետևում միլիոնավոր մարդկանց եւ նրանց մերձավորների տառապանքներն են», - նշել է ՄԱԿ-ի ներկայացուցիչը:

ԹԵՎԱՎՈՐ ՄՏԵՐ

Ժամանակը մի անգամ է գալիս անցնում, եւ նա, ով ընթացակից է նորան, հետ է մնում:

ՄԻՔԱՅԵԼ ՆԱԼԲԱՆԴՅԱՆ (1829-1866)

Հայ գրող, փիլիսոփա

Պիտի եղբայրն եղբոր համար չխնայի ո՛չ կյանք, ո՛չ շունչ, Սիրտը սրտին ընծա բերի, սերը դնի որպես կամուրջ:

ՇՈՒՍ ՌՈՒՍՅԱԿԵԼԻ (1172-1216)

Վրաց բանաստեղծ

☺ - Պապան երեխանին ասումս՝ վե՛րջ, էլ ձեզ չեն սիրելու, դուք ինձ շան տեղ չեք դնում, - 2է, չէ, պապա, մենք քեզ շան տեղ դնում ենք:

☺ - Մամ, կանչեցի՞ր ինձ: - 2է: - Պապ, կանչեցի՞ր ինձ: - 2է: - Պապիկ, տատիկ, դուք կանչե՛լ եք: - 2է: - Լասա՛ավ, հարցը

Տգետ են լինում միայն նրանք, ովքեր վճռում են մնալ այդպիսին:

ՊԼԱՏՈՆ (մ.թ.ա.427-մ.թ.ա.347)

Հույն փիլիսոփա

Ով լռել է չի կարողանում, նա խոսելու էլ ընդունակ է:

ՄԵՆԵՎԱ (մ.թ.ա.4-65)

Հռոմեացի փիլիսոփա

Մեծ խելքի դժբախտություններից մեկն էլ այն է, որ նա ան-

խուսափելիորեն հասկանում է ամեն ինչ՝ եւ արատները, եւ առաքիլությունները:

ՕՆՈՐԵ ԴԸ ԲԱԼԶԱԿ (1799-1850)

Ֆրանսիացի գրող

Արդարություն է որոնում հույսը դրած գրչին ու թղթին: Բայց ոչ գրիչն է փող, ոչ՝ թուղթը, այս արդարությունը գնված է:

ՌԱՖԱՅԵԼ ՏԵՐ-ՍԱՐՅԱՆ «Վրաստանի» ընթերցող

ԱՆԵԿԴՈՏՆԵՐ

տանք այլ կերպ՝ մենք էսօր հաց ուտելու՞ ենք: ☺ Ամուսինը նստած թերթ է կարդում: Կինը, որն այդ ընթացքում բալկոնում էր գտնվում, բալկոնից գլուխն անց է կացնում սենյակ եւ՝ ասում ամուսնուն.

- Սիրելի՛ս, հիշո՞ւմ ես քո այն հին, մեծ բունդը, որը տարիներով կախված էր պատից: Այսօր վերջնականապես

համբերությանս բաժակը լցվեց, եւ ես այն դուրս շարտ... ☺ Ամերիկյան ընտանիք: Կինը զանգում է ամուսնուն.

- Սիրելի՛ս, շուտ տուն արի, քո երեխաները ծեծում են իմ երեխաներին, շուտով հերթը կհասնի մեր երեխաներին:

☺ Մեկը գնում է ընկերոջ տուն հյուր, նայում է առաստաղին ու ասում.

- Յա, ես խիստ ծեր պատալովը սաղ արյունընկերն էլ թե.

- Հե, ուղղակի երեկ զոքանչիս ծնունդն էր, թոքնում էինք:

☺ Ամուսինը՝ կնոջը.

- Սիրելի՛ս, որտե՞ղ է մեր շաքարը, երկու ժամ է չեն գտնում:

- Դու ընդհանրապես ոչինչ չես կարողանում գտնել: Չուզարանում ա, կոֆեի բանկայի մեջ, որի վրա «աղ» ա գրած:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՔՆՆԱՐԿՎԵՑԻՆ ՀԱՅԱՍՏԱՆ-ԵԱԿ ՀԱՄԱԳՈՐԾԱԿՈՒԹՅԱՆ ՀԵՌԱՆԿԱՐՆԵՐԸ

Մայիսի 30-ին, Հայաստանի նախագահ Սերժ Սարգսյանը հանդիպում ունեցավ ԵԱԿ գլխավոր քարտուղար Լամբերտո Չանիերի հետ, ով Հայաստան էր ժամանել՝ քննարկելու Հայաստան-ԵԱԿ համագործակցությունը, շարունակելու հնարավորություններն ու հեռանկարները:



Հանդիպման ժամանակ անդրադարձ եղավ նաև ԵԱԿ Մինսկի խմբի շրջանակներում ԼՂ հիմնախնդրի կարգավորման գործընթացին:

Հանդիպմանը Հայաստանի նախագահը ողջունեց հյուրին եւ բարձր գնահատեց ԵԱԿ գլխավոր քարտուղարի պաշտոնում Հայաստանի հետ նրա համագործակցությունը:

Գլխավոր քարտուղար Լամբերտո Չանիերն ավստանք հայտնեց՝ ԵԱԿ երեւանյան գրասենյակի գործունեության մանդատի կասեցման կապակցությամբ՝ նշելով, որ կազմակերպությունը, այնուհանդերձ, պատրաստակամ է եւ շահագրգիռ՝ շարունակելու հետագա համագործակցությունը Հայաստանի հետ:

Չրուցակիցները քննարկեցին փոխգործակցությունն այլ ձեւաչափերով խորացնելու եւ ընդլայնելու հնարավորությունները:

ՆՈՐ ՆՇԱՆԱԿՈՒՄՆԵՐ՝ ՀԱՅԱՍՏԱՆԻ ԿԱՌԱՎԱՐՈՒԹՅԱՆ ԿԱԶՄՈՒՄ

Ինչպես արդեն հաղորդել ենք, Հայաստանում, վեցերորդ գումարման Ազգային ժողովի ընտրություններից հետո, շարունակվում է նոր կառավարության կազմավորման գործընթացը:

Նր՝ սպորտի եւ երիտասարդության հարցերի նախարար, Արմեն Ամիրյանը՝ մշակույթի նախարար, Լեւոն Ալթունյանը՝ առողջապահության նախարար, Դավիթ Լոքյանը՝ տարածքային կառավարման եւ զարգացման նախարար, Արծվիկ Մինասյանը՝ բնապահպանության նախարար, Արտեմ Ասատրյանը՝ աշխատանքի եւ սոցիալական հարցերի նախարար, Լեւոն Մկրտչյանը՝ կրթության եւ գիտության նախարար:

Հայաստանի նախագահ Սերժ Սարգսյանի հրամանագրով՝ Դավիթ Տոնոյանը նշանակվել է Հայաստանի արտակարգ իրավիճակների նախարար, Զրաչյա Ռոստոմյանը՝

ԿԱՅԱՅԵԼ Է «ՀԱՅԱՍՏԱՆ» ՀԱՄԱՀԱՅՎԱԿԱՆ ՀԻՄՆԱԴՐԱՄԻ ՀՈԳԱԲԱՐՁՈՒՄՆԵՐԻ ԽՈՐՀՐԴԻ ԵՎ ՏԵՂԱԿԱՆ ՄԱՐՄԻՆՆԵՐԻ 26-ՐԴ ՀԱՄԱՏԵՂ ՆԻՍՏԸ



Մայիսի 27-ին անցկացվեց «Հայաստան» համահայկական հիմնադրամի հոգաբարձուների խորհրդի եւ տեղական մարմինների 26-րդ համատեղ նիստը, որը վարել է խորհրդի նախագահ, Հայաստանի նախագահ Սերժ Սարգսյանը:

Յամբ՝ այն նշանակալի հորեյան համարելով Հայաստան-Արցախ-սփյուռք եռամիասնության համատեքտում: Օրակարգի շրջանակներում «Հայաստան» համահայկական հիմնադրամի գործադիր տնօրեն Արա Վարդանյանը ներկայացրեց 2016թ. կատարված աշխատանքների վերաբերյալ «Հայաստան» համահայկական հիմնադրամի գործադիր վարչության հաշվետվությունը: Նիստում քննարկված հաջորդ հարցը՝ «Հայաստան» համահայկական հիմնադրամի «Մարաթոն-2017»-ի նպատակաուղղվածության մասին, զեկուցեց Արցախի Հանրապետության նախագահ Բակո Սահակյանը:

Սերժ Սարգսյանը ներկայերի շնորհավորեց «Հայաստան» համահայկական հիմնադրամի 25-րդ տարեդարձի կապակցու-

«ԱՎՐՈՐԱ» ՄԱՐԴԱՍԻՐԱԿԱՆ ՈՒՂԵՐԶ՝ ՀԱՅԱՍՏԱՆԻՑ ԱՇԽԱՐՀԻՆ

«Ավրորա» մրցանակի երկրորդ դափնեկիրը Թոմ Քաթինան է, կաթոլիկ միսիոները, ով տարեկան մոտ 1000 վիրահատություն է կատարում՝ սպասարկելով օրական ավելի քան 400 հիվանդի: Մարդասիրական մրցանակի դափնեկիր անունը պաշտոնական միջոցառմանը հայտարարեց աշխարհահռչակ շանսոնյե Շառլ Ազնավուրը:



նից եւ ի երախտագիտություն նրանց, ովքեր փրկության ձեռք մեկնեցին հայ ժողովրդին: Դափնեկիրն ստանալու է 100.000 ԱՄՆ դոլարի պարգև, եւ նվիրատվության շրթան շարունակելու հնարավորություն 1.000.000 ԱՄՆ դոլարի դրամաշնորհի ներկայացմանը իրեն ոգեշնչած մարդասիրական կազմակերպություններին:

Երեւանի Կ.Դեմիրճյանի անվան մարզահամերգային համալիրում, մայիսի 28-ին, հանդիսավոր կերպով մեկնարկեց «Ավրորա» մրցանակաբաշխությունը: Տոնական միջոցառմանը ներկա էին Հայաստանի նախագահ Սերժ Սարգսյանը, «Ավրորա» մարդասիրական նախաձեռնու-

թյան հիմնադիրներ Վարդան Գրիգորյանը, Նուբար Աֆեյանը, Ռուբեն Վարդանյանը, աշխարհահռչակ երգահան եւ շանսոնյե Շառլ Ազնավուրը, «Ավրորա 2017» մրցանակի հավակնորդները եւ հյուրերը: «Ավրորա» մրցանակը շնորհվում է Հայոց ցեղասպանությունը վերապրածների անու-

«ՔԵԶ ՀԱՄԱՐ, ԱԶՆԱԿՈՒՐ»՝ ՀԱՄԵՐԳ ԵՐԵՎԱՆՈՒՄ



Յունիսի մեկին, երեւանի Ալ.Սպենդիարյանի անվան օպերայի եւ բալետի ազգային ակադեմիական թատրոնում, տեղի ունեցավ հանրահայտ շանսոնյե, գրող, դերասան Շառլ Ազնավուրին նվիրված «Քեզ համար, Ազնավուր» խորագրով համերգը:

կայս ու բուռն ծափողջուներով ողջունեց: Նշենք, որ Շառլ Ազնավուրը գրել է 1000-ից ավելի երգեր: Նրա երգերի սկավառակները թողարկվել են միլիոնավոր օրինակներով, բանաստեղծությունները թարգմանվել են լույս են տեսել առանձին գրքերով: Նա իր երգերի լավագույն կատարողն է: Ազնավուրը երգել է Լուչանո Պավարոտիի, Պլաչիդո Դոմինգոյի, Լայզա Մինելլիի, Միրեյ Մաթյոյի, Պատրիսիա Կասսիի հետ: Դստեր Սեդայի հետ կատարել է Սայաթ-Նովայի «Աշխարհում» երգը: Գրել է նաև օպերետային երաժշտություն:

Ազնավուրը նկարահանվել է 60-ից ավելի կինոնկարներում: Ուշագրավ է նրա դերակատարումը Ատոմ Էգոյանի «Արարատ» ֆիլմում, որը նվիրված է Հայոց ցեղասպանությանը: 1995 թվականից ՀՀ նախագահի հատուկ հանձնարարությունների գծով պատվավոր դեսպան է, ՅՈՒՆԵՍԿՕ-ում Հայաստանի մշտական պատվիրակ: 2009-ին նշանակվել է ՀՀ արտակարգ եւ լիազոր դեսպան Շվեյցարիայում: Արժանացել է Հայաստանի ազգային հերոսի կոչման, պարգևատրվել ԼՂՀ «Գրիգոր Լուսավորիչ» եւ Թեքեյան մշակութային միության ադամանդակուռ «Արարատ» շքանշաններով, Ֆրանսիայի Պատվո լեգեոնի 2 շքանշանով: 2009-ին ճանաչվել է XX դարի լավագույն երգիչ:

Համերգային ծրագրում ելույթ ունեցան Սոնա Ռուբենյանը, Անդրեյ, Արամոն, Էմմա Պետրոսյանը, Հայկ Տիգրանյանը, Սարգիս Աղամալյանը, Գեորգ Զակոբյանը եւ այլք: Վերջում բոլոր մասնակիցները կատարեցին «Քեզ համար, Հայաստան» երգը: Համերգին ներկա էին Հայաստանի նախագահ Սերժ Սարգսյանը եւ Շառլ Ազնավուրը, որին հանդիսատեսը հոտն-

ՀԱՅԱՍՏԱՆԸ ՏՈՆՈՒՄ Է ԵՎՐՈՊԱՅԻ ՕՐԸ

Հայաստանը տոնում է եվրոպայի օրը: «Եվրոպական միությունը Հայաստանի համար» խորագիրը կրող ամենամյա միջոցառումներում ներկայացվում են Հայաստանում ԵՄ կողմից իրականացվող բազմաթիվ ծրագրեր, որոնք թիրախավորում են Հայաստանի բոլոր մարզերի համաչափ զարգացումը տարբեր ոլորտներում: «Այսօր եվրոպայի օրերի ծրագրի ավարտն է: Մենք մեծ շրջան արեցինք, ճամփորդեցինք ամբողջ Հայաստանով՝ Վանաչոր, Գյումրի, Կապան, Գորիս, Եղեգնաչոր եւ վերադարձանք Երեւան»,- լրագրողների հետ ձեպագրույցում այս մասին ասաց Հայաստանում եվրոպական միության պարվիրակության ղեկավար, դեսպան Պյոտր Սվիտալսկին: Նրա խոսքով՝ Հայաստանը ընդլայնված եվրոպական ընդամիջի անդամ է: «Մենք կցանկանալինք, որպեսզի հայերը քաջապետյակ լինեն, թե ինչ է անում եվրամիությունն այսօր: Եվրամիությունն ամենամեծ դոնորն է եւ զարգացման ծրագրերի ամենամեծ աջակիցը»,- հավելեց ԵՄ դեսպանը:

ՆԱՏՕ-Ի ՇԵՏ ՎՍՏԱՀՈՒԹՅԱՆ ՀԻՄՆԱԳՐԱՄ ՀԱՅԱՍՏԱՆՈՒՄ

Առաջիկա երկու ամիսների ընթացքում Հայաստանը ՆԱՏՕ-ի հետ կստեղծի վստահության հիմնադրամ: Հիմնադրամի շրջանակներում նախատեսվում է իրականացնել երկու ծրագիր: Առաջին ծրագրով նախատեսվում է ոչ պիտանի շուրջ 130 զրահամբեմաների ոչնչացում: Դրանք կոչնչացվեն ՆԱՏՕ-ի շրջանակներում, դրա համար նախատեսվել է 1.3 մլն եվրոյի ներգրավում: Երկրորդ մասը վերաբերում է մարդասիրական ակնազերծմանը եւ սահմանափակ համայնքներում մարդկանց իրազեկության մեթոդների կատարելագործմանը: 892742

ՍԵՎԱՆԱ ԼՃԻ ՄԱԿԱՐԴԱԿԸ ԲԱՐՁՐԱՅԵԼ Է

2017 թվականի մայիսի առաջին 29 օրում Սեւանա լճի մակարդակը բարձրացել է մոտ 16 սանտիմետրով: Հայաստանի ԱԻՆ «Հայիդրոմետ» ծառայությունը տեղեկացրեց, որ, 2017 թվականի մայիսի 29-ի դրությամբ, Սեւանա լիճը ծովի մակարդակից գտնվել է 1900 մետր 87 սանտիմետր բարձրության վրա, ինչը 22 սանտիմետրով բարձր է մնում նախորդ տարվա նույն օրվա նիշից: Նույն աղբյուրի համաձայն, 2017 թվականի մայիսի 2-29-ն ընկած ժամանակահատվածում, Սեւանա լճի մակարդակը 1900 մետր 71 սանտիմետր նիշից բարձրացել է մինչեւ 1900 մետր 87 սանտիմետր նիշը: Արփա-Սեւան թունելային ջրատարով, այս տարվա ընթացքում, Սեւանա լիճ է տեղափոխվել 58 միլիոն 660 հազար խորանարդ մետր ջուր: Սեւանա լճից բաց է թողնվել 11 միլիոն 733 հազար խորանարդ մետր ջուր: 893007

ՏԱՐԱԳՐԱՄԻ ՕՈՒՄՆԵԱԿՄԱՆ ԿՈՒՐՍԸ (2 հունիսի)

Հայաստանի Ազգային բանկի կողմից սահմանվել է տարադրամի փոխանակման հետեւյալ կուրսը:

ՏԱՐԱԳՐԱՄ	ԱՌՔ	ՎԱՃԱՌՔ
ԱՄՆ ԴՈՒՆԱՐ	480,70	483,20
ԵՎՐՈ	537,00	545,00
ՌՈՒՔԼԻ	8,42	8,60

Մայիսի 26-ի համեմատությամբ, ԱՄՆ դոլարի կուրսը ավելացել է 0.7 դրամով:

ԳՐԱԿԱՆ ԿԱՊԵՐ

Բանաստեղծն իր հետ բերեց երեւանի «Արմավ» հրատարակչության կողմից լույս ընծայած «Վրացական պոեզիայի» անթոլոգիա...



«ՎՐԱՅԱԿԱՆ ՊՈԵԶԻԱՅԻ» ԱՆԹՈԼՈԳԻԱՆ ԳԱԳԻԿ ԴԱՎՅԱՆԻ ԹԱՐԳԱՆՈՒԹՅԱՐ

«Ես սիրում եմ ձեզ», - այս խոսքերով իր վրաց գործընկերներին դիմեց հայ ճանաչված բանաստեղծ Գագիկ Դավթյանը...

մեծ ապագան: Վիրահայոց թեմի առաջնորդ Տեր Վազգեն եպիսկոպոս Միրզախանյանն ընդգծեց Վրաստանի և Հայաստանի գրողների միությունների կարեւորագույն առաքելությունը...

Հնորիադեսին, որին ներկա էին նաեւ վրաց բանաստեղծներ, ողջունի խոսքեր ուղղեցին իրենց հայ գործընկերոջը: Նշեցին նրա վիթխարի դերը հայ-վրացական գրական կապերի ամրապնդման գործում...

ցանց Մայակովսկու անվան գրական մրցանակի, ծանոթացել Գագիկ Դավթյանի հետ եւ իրենց բարեկամական փոխհարաբերությունները շարունակվում են նույն ջերմությամբ: Գուրամ Օղիշարիան հոբելյարին փոխանցեց իրենց վաղեմի բարեկամական հարաբերությունները խորհրդանշող հուշանվեր: Թարգմանիչ Գիվի Շահնագարը, բանաստեղծներ Դավիթ Շենքմբեդեղին, Բադրի Քուբաթե-

լածեն, Գարրի Կալմակարովը, Վրաստանի վաստակավոր դերասան Ռոբերտ Յովհաննիսյանն իրենց ելույթներում ջերմորեն շնորհավորեցին հոբելյարին, խոսեցին նրա հետ փոխհարաբերությունների պայծառ դրվագների մասին: «Վրաստան» թերթի խմբագիր Վան Բայրուբյանը պատմեց այն մասին, թե ինչպես հանճարեղ Պարույր Սեւակը ժամանակին հանձնիս պատանի Գագիկի, տեսավ բանաստեղծի

իր շնորհակալական խոսքում հայ բանաստեղծը հպարտությամբ նշեց, որ ինքն առաջինն է, որ դարձել է Վրաստանի գրողների միության պատվավոր անդամը եւ առաջինը ժամանակակից հայ ստեղծագործողների թվում, ում հոբելյանը նշվեց Վրաստանում, Գ.Գուրամիշվիլու, Ի.Մաչաբեղու, Գ.Տաթևիճի անվան հեղինակային մրցանակների առաջին դափնեկիրը: Ներկաներից շատերը՝ որպես նվեր ստացան վրաց բանաստեղծների հայերեն թարգմանության ձեռնարկները:

ԱՐՏՅՈՒ ՎԻՐԱԿՈՂՈՎ

ԵԿԵՂԵՑԱԿԱՆ

ՀՈՒՆԻՍ

4.06.2017. Հոգեգալուստ (Պենտեկոստ)



Առաքյալների վրա Սուրբ Հոգու իջման հիշատակության Տոնն է, որ տեղի է ունեցել Սուրբ Հարության հիսուներորդ օրը: Այդ պատճառով էլ Հոգեգալուստը միշտ տոնում են Ջատիկից հիսուսն օր հետո: Ար. Հոգին Ար. Երրորդության երեք անձերից մեկն է, համագո եւ հավասար Հորը եւ Որդուն:

Հայ Առաքելական եկեղեցու կողմից ասհմանված տարվա չորս եղանակի պահերից՝ սա ամառնամուտի շաբաթապահքն է: Ինչպես մյուս եղանակների պահքերը, Եղիական պահքը եւս եկեղեցական որեւէ տոնի պատրաստությունն չէ:

ՄՊՈՐՏ

ՌԵԳԻՍ ԵՐԻՏՏԱՍԱՐԳԱԿԱՆ ԱՇԽԱՐՀԻ ԱՌԱՅՆՈՒԹՅՈՒՆ՝ ՎՐԱՍՏԱՆՈՒՄ

Մայիսի 31-ին, Թբիլիսիում եւ Քութայիսիում մեկնարկեց ռեգիսի մինչեւ 20 տարեկանների աշխարհի առաջնությունը: Երիտասարդական, հոբելյանական տասներորդ առաջնությունն անցկացվում է «Համաշխարհային ռեգիսի ապագա աստղեր» կարգախոսով: Մրցաշարին, Վրաստանի հավաքականից բացի, մասնակցում են եւս 11 թիմեր՝ Անգլիայի, Իռլանդիայի, Արգենտինայի, Հարավային Աֆրիկայի, Նոր Զելանդիայի, Ավստրալիայի, Ուելսի, Շոտլանդիայի, Ֆրանսիայի, Իտալիայի եւ Սամուայի հավաքականները: Թիմերը բաժանված են երեք խմբերի:

Խմբային մրցումները անցկացվում են մայիսի 31-ին, հունիսի 4-ին եւ 8-ին: Երկու կիսաեզրափակիչները կանցկացվեն հունիսի 14-ին, իսկ երրորդ տեղի համար հանդիպումը եւ եզրափակիչը՝ հունիսի 18-ին:

Առաջին փուլում, Վրաստանի հավաքականը 26-37 հաշվով զիջեց Արգենտինայի թիմին: Ներկայացնիում ենք մյուս հանդիպումների արդյունքները՝ Անգլիա-Սամոա - 74-17, Նոր Զելանդիա-Շոտլանդիա - 42-20, Հարավային Աֆրիկա-Ֆրանսիա - 23-23, Իռլանդիա-Իտալիա - 21-22, Ավստրալիա-Ուելս - 24-17:

ՍՍՄԲՈ. ԻՆԵ ՄԵՂԱՆ՝ ՎՐԱՍՏԱՆԻ ԵՎ ՌԻՑ ՄԵՂԱՆ՝ ՀԱՅԱՍՏԱՆԻ ՀԱՎԱՔԱԿԱՆՆԵՐԻ ԱԿՏԻՎՈՒՄ

Մինսկում եզրագծից հատեց՝ սամբոյի մարզաձևում Եվրոպայի առաջնությունը: Վրաստանի հավաքականն իր ակտիվում գրանցեց ինը (երկու՝ ոսկե, երեք՝ արծաթե եւ չորս՝ բրոնզե) տարբեր արժողության մեդալներ: Մայրցամաքի չեմպիոններ դարձան Նինա Օձելաշվիլին (72կգ քաշային կարգ), Լեանա Նախուրցիշվիլին (74կգ), հաղթողների պատվանդանին տեղ զբաղեցրին Վախթանգ Չիդրաշվիլին, Պաստա Գվինիաշվիլին (արծաթ), Ելենա Կոբաձեն, Զվիադ Օղոշաշվիլին, Բեքա Բերձեմիշվիլին, Լեանա Բերերաշվիլին, Նիկո Կուցիան (82կգ) (բրոնզ): Հայաստանի հավաքականն իր ակտիվում գրանցեց մեկ ոսկե, երկու արծաթե եւ ինը բրոնզե մեդալներ՝ ընդհանուրը ութ մեդալ: Եվրոպայի չեմպիոնի կոչման արժանացավ Տիգրան Կիրակոսյանը (52կգ): Պատվանդանի երկրորդ հորիզոնականը զբաղեցրին Գրիգոր Մխիթարյանը (52կգ) եւ Արթուր Սահակյանը (62կգ): Բրոնզե մեդալակիրներ դարձան Հարություն Սարգսյանը (57կգ), Կոյա Կարապետյանը (62կգ), Մաքսիմ Մանուկյանը (57կգ), Արսեն Ղազարյանը (74կգ) եւ Էդգար Մեիրաբյանը (90կգ)...

Թբիլիսիի «Հայկական գիտահետազոտական կենտրոն Վրաստանում ՀԿ», «Վրաստան» թերթի խմբագրությունը խոր վշտով հայտնում են 1980-ական թթ. Պուշկինի անվան ինստիտուտի Հայոց լեզվի եւ գրականության ամբիոնի վարիչ, պրոֆեսոր Արտաշես Մխիթարյանի դատեր մահը եւ ցավակցում են նրա որդուն, բժշկական գիտությունների դոկտոր Կարեն Մխիթարյանին, նրա սիրելի քրոջ՝ Կարինե Արտաշեսի ՄտիձորՅանի մահվան կապակցությամբ:

Ասպինձայի մունիցիպալիտետի Դամալա գյուղի հանրային հայկական դպրոցի մակավարժական կուլեկտիվը խորին ցավակցություն է հայտնում դպրոցի տնօրեն Նելլի Դուդուկչյանին՝ նրա սիրելի մորաքրոջ տղայի՝ Միտր Դավիթի ՂՈՒԿԱՍՅԱՆԻ անժամանակ մահվան կապակցությամբ:

6x6 grid with numbers 1-54 in blue cells, representing a calendar or schedule.

Large advertisement for 'VRASTAN' (ՎՐԱՍՏԱՆ) featuring a grid of numbers and text about lottery results and contact information.

Footer section with contact information for 'VRASTAN' (ՎՐԱՍՏԱՆ) in Yerevan, Georgia, including phone numbers and website.